



Привремена заједничка комисија оба дома  
Парламентарне скупштине Босне и Херцеговине за  
спровођење процедуре за избор три члана Управног  
одбора Агенције за развој високог образовања и  
обезбјеђивање квалитета

Privremena zajednička komisija oba doma  
Parlamentarne skupštine Bosne i Hercegovine za  
provođenje procedure za izbor tri člana Upravnog  
odbora Agencije za razvoj visokog obrazovanja i  
osiguranje kvaliteta

Privremeno zajedničko povjerenstvo obaju domova  
Parlamentarne skupštine Bosne i Hercegovine za  
provođenje procedure izbora tri člana Upravnog  
odbora Agencije za razvoj visokog obrazovanja i  
osiguranje kvalitete

Broj /Број:01,02-50-14-168-4,4/13  
Sarajevo/Сарајево, 22.05. 2013.

Na temelju člana 8. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/03), član 51. st.(8), (9) i (11) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09) i Odluke o raspisivanju javnog konkursa za izbor dva člana Upravnog odbora Agencije za razvoj visokog obrazovanja i osiguranje kvaliteta, broj: 01,02-50-14-168-4,5/13 od 22. 05. 2013., **Privremena zajednička komisija oba doma Parlamentarne skupštine Bosne i Hercegovine za provođenje procedure izbora tri člana Upravnog odbora Agencije za razvoj visokog obrazovanja i osiguranje kvaliteta r a s p i s u j e**

**JAVNI KONKURS**  
**za izbor dva člana Upravnog odbora**  
**Agencije za razvoj visokog obrazovanja i osiguranje kvaliteta**

Javni konkurs raspisuje se za izbor dva člana Upravnog odbora Agencije za razvoj visokog obrazovanja i osiguranje kvaliteta:

- 1. Član Upravnog odbora iz reda srpskog naroda** (ponovno oglašavanje pozicije)
- 2. Član Upravnog odbora iz reda bošnjačkog naroda** (umjesto razriješenog člana)

**Nadležnosti Upravnog odbora** (član 12. Statuta Agencije za razvoj visokog obrazovanja i osiguranje kvaliteta - „Službeni glasnik BiH“, broj 86/09): donosi Statut Agencije i dostavlja ga Vijeću ministara na saglasnost; daje saglasnost na pravilnike koje predlaže Agencija iz svojih nadležnosti u razvoju visokog obrazovanja i osiguranju kvaliteta definiranih članovima 6. i 7. ovoga Statuta; osigurava da rad Agencije bude u skladu s nadležnostima utvrđenim Okvirnim zakonom o visokom obrazovanju u Bosni i Hercegovini; osigurava da rad Agencije bude u skladu s politikama prioriteta Vijeća ministara i Parlamentarne skupštine Bosne i Hercegovine u reformi visokog obrazovanja u Bosni i Hercegovini; usvaja program rada Agencije za iduću kalendarsku godinu najkasnije do 31. januara tekuće godine, a kojim se detaljno uređuju aktivnosti, poslovi i finansiranje Agencije; nadzire provođenje programa rada Agencije; rješava žalbe na rješenje o poništenju rješenja o akreditaciji; određuje vrste usluga koje Agencija obavlja uz naknadu i visinu naknade za obavljene usluge; prije 31. marta svake godine usvaja izvještaj o radu Agencije u prethodnoj godini koje se dostavlja Vijeću ministara Bosne i Hercegovine; jednom godišnje pismeno izvještava Parlamentarnu

skupštinu BiH o svome radu; obavlja i druge poslove u skladu sa Okvirnim zakonom o visokom obrazovanju i Statutu.

### **Mandat:**

- Za poziciju 1. - tri godine
- Za poziciju 2. – u skladu sa čl. 7. Poslovnika o radu Upravnog odbora Agencije za razvoj visokog obrazovanja i osiguranje kvaliteta ( broj: UO -01-2-17/12 od 19.11. 2012.) na period do isteka redovnog trogodišnjeg mandata (do 07.02.2015. godine - „Službeni glasnik BiH“, br. 10/12 od 07.02.2012.) razriješenog člana („Službeni glasnik BiH“,br.32/13)

### **Opći uslovi**

Kandidat za člana Upravnog odbora Agencije mora ispunjavati slijedeće opće uslove:

- da je državljanin Bosne i Hercegovine, stariji od 18 godina,
- da nije otpušten iz državne službe u institucijama Bosne i Hercegovine odnosno entiteta kao rezultat disciplinske mjere u periodu od tri godine prije dana objave upražnjene pozicije,
- da protiv njega nije pokrenut krivični postupak za krivično djelo za koje je predviđena zatvorska kazna tri i više godina ili da mu nije izrečena zatvorska kazna za krivično djelo počinjeno s umišljajem, u skladu sa krivičnim zakonima u Bosni i Hercegovini,
- da se na njega ne odnosi član IX. stav (1) Ustava Bosne i Hercegovine.

### **Posebni uslovi za pozicije 1. i 2.:**

Osim općih uslova, kandidat za člana Upravnog odbora Agencije mora ispunjavati i slijedeće posebne uslove, i to:

- visoka stručna sprema (VII. stepen obrazovanja),
- znanje engleskoga jezika,
- iskustvo u aktivnostima evropske oblasti visokog obrazovanja, posebno evropskih standarda za ocjenu i reviziju kvaliteta i planiranja razvoja visokog obrazovanja,
- iskustvo u reformi sistema visokog obrazovanja u Bosni i Hercegovini.

### **Posebni uslovi za poziciju 2.:**

- dokaz o akademskom zvanju redovnog univerzitetskog profesora

### **Potrebni dokumenti**

Uz prijavu na javni konkurs, kandidat je dužan priložiti:

1. potpisanu biografiju s izjavom o nacionalnom opredjeljenju, adresom, *e-mail* adresom i telefonom za kontaktiranje,
2. uvjerenje o državljanstvu Bosne i Hercegovine (ne starije od šest mjeseci),
3. ovjerenu fotokopiju fakultetske diplome (nostrificiranu diplomu ako fakultet nije završen u BiH ili je diploma stečena u nekoj drugoj državi nakon 6. 4. 1992.; odnosno za poziciju 2. i dokaz o akademskom zvanju redovnog univerzitetskog profesora,
4. dokaz o znanju engleskoga jezika,
5. potpisanu izjavu s detaljnim navođenjem iskustva u aktivnostima evropske oblasti visokog obrazovanja, posebno evropskih standarda za ocjenu i reviziju kvaliteta i planiranja razvoja visokog obrazovanja,
6. potpisanu izjavu s detaljnim navođenjem iskustva u reformi sistema visokog obrazovanja u BiH,
7. dokaz da se protiv njega ne vodi krivični postupak (ne stariji od tri mjeseca),

8. izjavu da nije otpušten iz državne službe u institucijama BiH odnosno entiteta kao rezultat disciplinske mjere u periodu od tri godine prije dana objave upražnjene pozicije (ovjerenu od nadležnoga tijela),
9. izjavu da se na njega ne odnosi član IX. stav (1) Ustava Bosne i Hercegovine (ovjerenu od nadležnog tijela).

Dokumenti se dostavljaju u originalu ili u fotokopiji ovjerenoj od nadležnoga tijela, **ne starijoj od tri odnosno šest mjeseci, ako nije drukčije propisano.**

**NAPOMENA\*:**Dokumenti priloženi uz prijavu na javni konkurs neće se vraćati kandidatima, s obzirom na odredbe člana 16. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine.

#### **Ostale napomene**

Komisija će provesti proceduru u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine. Komisija će pozvati na intervju sve kandidate koji ispunjavaju navedene uslove.

Prije intervjua svaki kandidat dužan je Komisiji za izbor dati podatke o ranijim neposrednim rukovodiocima od kojih se mogu dobiti preporuke i informacije o kandidatu, te popuniti obrazac-izjavu u kojem će iznijeti bilo koje pitanje koje bi moglo dovesti do sukoba interesa u slučaju njegova imenovanja.

Nakon intervjua Komisija će prijedlog rang-listi dostaviti Predstavničkom domu i Domu naroda Parlamentarne skupštine BiH radi imenovanja članova Upravnog odbora Agencije za razvoj visokog obrazovanja i osiguranje kvaliteta.

#### **Podnošenje prijave**

Javni konkurs objavljuje se u „Službenom glasniku BiH“, „Službenom glasniku Brčko Distrikta BiH“ i web-stranici Parlamentarne skupštine BiH, te obavještenje o javnom konkursu u tri dnevna lista: „Večernji list“, „Glas Srpske“ i „Oslobođenje“. Javni konkurs ostaje otvoren 15 dana od dana objave u „Službenom glasniku BiH“.

Prijave s traženim dokumentima dostavljaju se poštom preporučeno, uz upozorenje „ne otvarati“, na adresu:

**Parlamentarna skupština Bosne i Hercegovine**

**Privremena zajednička komisija oba doma Parlamentarne skupštine Bosne i Hercegovine za provođenje procedure izbora tri člana Upravnog odbora Agencije za razvoj visokog obrazovanja i osiguranje kvalitete**

**JAVNI KONKURS za dva člana Upravnog odbora Agencije za razvoj visokog obrazovanja i osiguranje kvaliteta, s naznakom „NE OTVARATI“**

**Trg BiH br. 1, 71000 Sarajevo**

**NAPOMENA\*** Nepravovremene, nepotpune i neuredne prijave neće biti razmatrane.